

Macqal siduq is maitastu acang a Bunun

Ma'az dau tu qabas daingazang, tis'un ca Bununi' kilim is takdangi'an miqumic ca dalaq , munmicqang is ludun daingaz ha'anTaivang ti', maupa'i maca ludun mangki' a mantan madadaqvas sala, daqat matu mukumbu' is ludun mangki' ca Bunun tudiip a, pavazus ludun ca Bununi' miqumic, ua' minmainuum ca Bununi' mintastu acang, tinbilaulu silasilas ludun Duduli'an dii. Malapavaz miqumic dangpia ta' saba qamisan, daqat maca Bununi' a nanu' tupa'un tu Takaduduli'an dii tu miniqumic.

Maca Bunun miqumic ha'an micqang ludun is Taivang ti', minkanautin amin sidadaing is takdangi'an miqumic ca dalaq, ua' mukanalin ca Bununi' amin. Uqna'unin amin is ludunludun mangki' maqaisqais pavaz. Maiza ca ta'a ka maitastu acang a siduq tupa'un tu Takapulan, muvailin ha'an Tanaul a miniqumic dii. Daqat maca Bunun haipi' a mulu'hazin hahima', cia Takitudu, Takibakha, Takivatan, Takbanuaz ciin Isbubukun, maihima' dii ca malququmicang a Bunun. Tupa'un tu maihima' maitastu acang siduq tu Bunun.

Qainipuanang is Qai'ial ca Bununi' tu qabasang, taqu tu asat makua miqumic, masipul pintaiklac. Lusqu'un amin ca Bununi' minaha'an duma'

ludun, puha'an bukzav. Altupat lusqu'unin ca Bununi' punha'an mabukzav tukuc a hunghung, cina mabukzav a vaqlacvalac, mancaikus ludun cina mancaikus bukzav. Uutu maca Bununi' a mu'hazin ha'an vaivivaivi ka duma' acang. Maiza ca maldadaukang iha'an Lamungan , maiza ca muvaaz ha'an Takau', maiza ca muvaaz ha'an Taitu' cina Kalinku'.

Maca dangi'as Bunun qabas miqumic a katus is Duduli'an tu ludun daingaz dii tibilaulu miqumic, pinta'a is'ang muskun miqumic, pakadangaz is alminanan tu sinkuzakuza pakasauluk, mu'anpuk muskun masumsum luc'an miqumic. Qaltu maca Bununi' haip a, pavazunin amin is Duduli'an a ludun dii malavasvas ha'an silasilas Taivang ti'. Altupat mantan mahiav sala ca acang ha'an Taivang ti' minvavaivi ca iniqumican, pacacaisin amin ca kukuzaun, minvavainin amin ca sinsusumsum is Bunun qabas, uutu aka'a tu papungul tu cima ata ka Bununi' ?

認識布農族之社群名稱

以前，布農族人為了尋覓生存之地，走進中央山脈，形成六個社群，環繞玉山四周，定居數百年，號稱為玉山之子。其中稱做「藍社群」族人，為鄒族同化，只剩五個社群，即是卓社群、卡社群、丹社群，巒社群和群社群。

經過日本人統治，布農族人被迫搬遷到山下，或到空曠的山谷，河川地，平地附近的山腳地帶。目前布農族人也因此分散到各個縣市或鄉鎮。布農族過去是以玉山為中心群居，但是現在，布農族人卻又被玉山分隔在四面八方。